



周益文忠公集第三十 平園續稟七十

宋廬陵周益公必大著

神道碑十

集英殿修撰致仕贈光祿大夫魯公神道碑
宋興崇高儒術起一代之治直史館贈太師密國公
南豐魯公致堯以文鳴當世直道正言事 太宗直
宗為名臣是生博士贈太師魯國公易占有文章政
事材而士不合為文十餘萬言又著時議十卷荆國
王文公志其墓益首稱之六子皆登進士第建者三
人曰鞏為中書舍人以道德文章名世學者宗之號

南豐先生曰布位宰相謚文肅曰肇終幹林學士謚文昭當元祐盛際徽宗初政再為詞臣氣節論議尤挺特卓犖名儒如在蔡龜山俱謂端嚴有大臣之風其後亦最盛後六十餘年曾孫刑部侍郎炎與從弟吏部尚書暎相繼取世科同為天子從臣故家文獻表表一時而南豐之曾益重於天下矣侍郎字南仲祖總明春秋擢第奉使數道曆知高郵軍舒州甫強仕終承議郎贈左中奉大夫父恊季十九以詞賦魁胃監一上不第則攷古著書有雲杜集於世終朝大夫知永州贈正奉大夫自文昭三世皆要強氏文憲公家未州始居湖之德清公幼警悟能言即知讀書正奉語公曰吾家繇密魯二公至而祖雖皆取科第然師友淵源非止利祿而已汝當志其遠且大者因銘其書室曰求己以勉之公服膺義方益自刻勵從名儒授毛鄭詩紹興三十年入太學端明汪公應辰為司業深氣之隆興元年賜進士出身授左迪公即泰州海陵縣尉兼主簿時虜騎驚擾所在寇攘官吏多解散公曰巡繳職也吾其可去乎乃廣吾言於理官兵燬之從宜從矜貸類得未減臺郡爭論薦將羅致幕下竟守職不就秩滿以閔陞及酬獎循左儒林

卽調徽州教授篤意教養更新學官課試精審有自
旁郡執經席下者奉二親就養與其季熒且公立三
樂齋以見志丞相周文忠公必大參政李忠文公彥
穎繼為吏部侍郎與當路交上京削垂滿丁正奉憂
服除再為温州教授如所以治徽學者凡經指授皆
為時名人淳熙八年改通直卽知建康府江寧縣寧
事轉奏議承議卽江寧軍民雜處治松多牽制公不
以利害回撓一意字民獄犴屢空催科無擾民感其
惠皆先期樂輸推排陞降悉得其實至役有不俟差
而願充者公先於暇時撫前輩賢令加言善行與法
令之所當守者為邑類一書講畫旣群故施於臨民
迎忍而忍父老詣臺府借留參政錢文惠公良臣師
江東偕監司上治最吏部侍郎沈公揆繼將漕又請
亟加獎拔以為天下治邑者勸任滿命赴都堂審察
十五年以明堂恩賜緋衣銀魚十一月幹辦行在諸
司科院 光宗覃恩暨年勞轉朝奉朝散卽紹興元
年八月遷大理寺主簿以新制兼左評事究心詳讞
稱為字克輪對請選劇縣歲命近臣舉力任二人以
授之無拘資格隨事精賞治有殊績則待以不次又
請申飾權枯征稅之禁利害詳明時論躋之二年八

月除司農寺丞被旨和糶米石五十萬選屬吏之才者授以成筭以苛取不可而辦三年轉朝請郎九月丁母碩人憂五年十二月擢知温州慶元元年三月陞舜復申劇邑薦舉為令之議又請稽板籍聯保五汰巡尉之罷軟者永嘉號多士素服公化故教令所下不誠用勸闢良田以贍學朔養濟院醫稟其廢疾無告者民產子棄而弗字月以公錢給乳哺者費全活甚衆二年秋未獲颶風淫雨海溢為苗樂清尤酷具舟筏各捐以濟捍之極意賑卹奏蠲丁錢數千緡水退修築瑞安石岡及平陽三斗門為東塘以救其其衝皆使可久至今人賴其利公正身帥下細大畢舉戢吏拊民以循良稱理社生為立祠且碑以紀其德丞相葛文定公卿鎮越及諸史者皆以最例二年轉朝奉大夫三年召赴行在所四月入對勸上垂意經術格守祖訓聽納忠諫斥遠私昵杜絕用例之弊申嚴賊墨之科遴選邊將久任帥守停印造以重楮券禁銷泄以羨銅錢廣和糶以厚邦儲蠲逋負以寬民立皆當世急務除尚書戶部郎中治左曹事躬理文案滯訟頓清九月充金國正但國信使將行直憲聖慈烈之喪既越境諭使去樂接伴納合厚之以

唐書卷一百一十五 李德裕傳
它辭解抵故京地前導奏胡伎公叱止之比押宴者
至猶然公避席不拜引義詰責往復論難竟去口宣
賜樂寺語始就位投館燕山丸命宴皆請去樂及罷
燕射虜悉勉從使還未嘗道其事惟以講求內治諄
諄為 上言之始文嘗使朔方增重國體及事有問
公家世以南豐對稱嘆名家者再知典刑存也四年
以竣事轉散大夫六月復除戶部郎中總領淮西江
東軍馬錢糧諸郡賦不時入侵欺移用其目寔縣綱
運弊蠹特甚緡錢失期者三百萬餘它物稱是師不
宿飽公奏請下諸路期以兩月起發且議賞罰 皇
可之公復手疏屬部約以不多為文書不譴吏卒要
束既定輸送以時在部運當進秩者面以奏剡授之
競之趨勸軍給以饒五年轉朝請大夫七月除直敷
文閣福建路計度轉使首廉所部疾苦民有被訟久
繫而訟者反匿不出乃戒郡縣必兩造俱集始得予
決自是良愿無擾姦无容欺奉詔上便民事公奏請
委部使者以翻訴之多寡當否為縣令毀最詳列賦
稅于契券之首以革產去稅存之患二稅不許高價
折祐獄案以時奏報定物力選獄官多見施行又奏
倚閣上四州積負監本併免州縣所負正稅及虧稅

周文公集卷之三十一
三
錢各十有六萬緡累歲困於郡邑囚繫者乎舞散去
而漕計視始至增鏹百萬悉付來者以寬氓往嘉泰
元年三月詔入奏計因論屬縣倍克之弊謂縣有內
外內縣於州取給故苗稅征商悉歸于州若外縣則
俸給衣糧與凡支費不一而足今為郡者苗稅或槩
輸於州倉征商或使它官吏侵擾為縣者反籍以旁
征巧取肆行無忌小民赴訴郡不敢詰且戒其交相
規奪 上嘉納之除樞密院檢詳諸房文字歷右司
左司郎中兼刪修勅令官二年三月遷中書門下省
檢正諸房公事歲中徧居宰掾裨贊為多四月除起
居舍人因直前奏事請搜舉遺逸長吏禮遣闕詣以
備咨訪九月勅令所修進慶元條法事類轉朝議大
夫十一月除起居郎兼權刑部侍郎同詳定勅定十
二月轉中奉大夫尋改兼國史院編實官祿院檢討
官三年四月除權侍郎賜服金紫經筵讀兩朝實訓
終篇轉中大夫公持心忠恕臨事明審每謂刑獄為
生民之命必使姦豪畏法吏不舞文乃可言正廣右
巨商雪死其弟流竄逃歸輒從外臺改正復有數者
不棘寺閱實權門諸用事者表裏寺吏曲為道地綴
補文書肆為誕慢公察其姦執付京兆獄吏求解萬

端公特不少貸且併劾商人罪卒以是去六月提舉
江州太平興國公史院進 孝宗 光宗實錄轉太
中大夫郊祀恩封曲阜縣開國男食邑三百戶開禧
三年轉通議大夫嘉定改元 皇上更化盡起故老
二月公被命守婺未幾改姑孰署行抵郡適師旅饑
饑之從勞來流徙寬逋節費政聲徹文至秋感暈眩
疾會合肥擇帥詔以集英殿修撰移鎮公曰臣子事
君東西惟命今旣屬疾焉可冒為丐免之章教上有
旨輟行治姑孰如故雖整軍息民為國遠慮而疾日
以侵求去益堅二年二月竟遂祠請復提舉隆興府
王隆萬壽宮宗祀禮成進封開國子加食二百戶四
年自為奏述出虜大槩乞骸骨詔以通奉大夫仍本
職致仕越數日薨實正月二十日甲辰也享年也七
十有一遺奏聞以光祿大夫告弟官其後如格八月
丙午葬于臨安府錢塘縣欽賢鄉西谿山先營之次
從所自卜也娶九江王氏封碩人克有令德善相夫
子先十年卒子倫承務郎前監加興府都稅務女適
承事郎新知婺州東陳縣陳貴誠孫仲良登仕郎公
資稟純明器識超遠事親盡禮謹守家法妙年決科
安於平進自海陵赴調有同姓為聘死者虜問其氏

族自言蜀人又問南豐後孰在班列旣歸以告於是朝廷始加聘訪時相意屬公而公方欲從按官卒故業遂為新安之行不復以姓民通未受代三十六日遭外艱旣免喪或以銓制方嚴欲為圖賞典以補餘日公亦不顧竟遲次六年而前舉者皆無恙恬於勢利迺如是先是資產推與其季又以正奉遺澤及公交恩任二從子內外旌姻以至鄉黨鄰里婚葬急難必賑而助焉待人接物謙抑有加而律已持正不可迴奪教歷中外徧翔文之始登禁從旣不得其職而去杜門却掃谿園數畝杖履倘佯自號覺翁因以名菴晚年意象簡默所造益深繇所至老好學不倦六經子史手自校定且以諸史傳記攷釋資治通鑑續於考異後短章大篇凡所述作率皆溫澗典雅而措法行草見謂精詣尺牘書判好事者藏弃為榮有寬菴集與邑政總類藏于家公旣葬掄以校書郎陳君貴謙之狀來曰先君之於法當得益將有請矣願先為銘詩表于遂道慨念在昔先太師政公初掌奏御正奉接武周行一時列院有子若弟多為新進士某於公事契旣深襟期莫逆攝事西垣公亟大農俱奉親與升堂展敬兩仕未加載筆左螭有在前之媿及

周益公文集卷之三十一
其起於桂寇公方奏最藩部同年生落落如辰星日
後公歸以尉遲莫而公薨矣其長於公四歲亦豈久
於世者死生契闊無事興悲願頽何足言文惟公不
負文獻之傳故立本朝使隣壤挺挺有祖風烈詩云
維其有之是以似之非公之謂歟

周益文忠公集第三十 平園續稿七十

周益公文集第三十一

平園續稿七十一

秦州海陵縣主簿許君墓誌銘

君諱平字秉之姓許氏余嘗譜其世家所謂今秦州
海陵縣主簿者也君既與兄元相友愛稱天下而自
少卓犖不羈善辨說與其兄俱以智略為當世大人
所器寶元時朝輒開方略之選以招天下異能之士
而陝西帥范文正公鄭文肅公爭以君所為書以薦
於是得召試為太廟齋郎已而選秦州海陵縣主簿
貴人多薦君有大才可試以事不宜棄之州縣君亦
常慨然自許欲有所為然終不得一用其智能以卒

臆其可哀也已士固有離世異俗獨行其意罵譏笑
侮困辱而不悔彼皆無衆人之求而有所待於後世
者也其齟齬固宜若夫智謀功名之士窺時府仰以
赴勢物之會而輒不遇者乃亦不可勝數辯足以移
萬物而窮於用說之時謀足以奪三軍而辱於右武
之國此又何說哉嗟平彼有所待而不悔者其知之
矣君年五十九以嘉祐某年某月某甲子葬真州之
揚子縣且露鄉某所之原夫人李氏子男瓌不仕璋
真州司戶參軍琦太廟齋郎琳進士女子五人已嫁
二人進士周奉先恭州泰興縣令陶舜元銘曰

王會之墓誌銘

君諱逢字會之姓王太平州當塗縣人也嘗舉進士
士不中去以所學教授於是蘓州士人從轉運使乞
君主其學者學常政數千百人君所獎養成就者少
矣乃始以進士起家權南雄州軍事判官歸試判超
等補棗州軍事判官苗為國子監直講兼隴西郡主
宅教授李某行內修謹君蓋有力焉岐國公主旣家
為君求遷有命矣君辭焉乃已君少以文學知名於
書無所不觀而尤喜易作易傳十卷乾得指說一卷
復書七卷名士大夫多善其書於是樞密使張公舉

君可試館職而宰相無知君者故不用通判徐州以疾不赴求監蘓州以嘉祐八年正月六日不起年十九至太常博士君為人樂易篤於冊友故舊於勢利無所苟能愛人以得其歡心君皇祖考延嗣祖考皆不仕而皇考以君故贈大理評事前夫人蘓氏後夫人陳氏皆無子陳氏名家子亦有賢行以嘉祐八年四月二日葬君蘓州吳縣三玄卿陸公原以前夫人蘓氏祔焉銘曰

宜壽也五十而已宜貴也止於博士謂卒有後也而終無子嗚呼夫子命不可與歸其安永矣茲丘

大理寺承楊君墓誌銘

君諱沈字明叔華陰楊氏子少卓犖以文章稱天下治春秋不守先儒傳注資他經以佐其說其說超厲蹕越世儒莫能及也及其為吏披姦發伏振擿利害大人之以聲名權勢驕士者常逆為君自詘蓋君有以過人如此然峙其能奮其氣不治防畛以取通於世過終於無所就以窮初君以父蔭守將作監主簿數舉進士不中數上書言事其事有衆人所不敢言者丁文簡公且死為君求職君辭焉後用大臣薦召試學士院又久之不就積官至朝奉郎行大理寺丞

唐書公傳卷三十一
通判河中府事飛騎尉而坐小法絀監蘄州酒稅未
赴而以嘉祐七年四月辛巳卒於河南享年三十九
顧言曰焚吾所為書無留也以柩從先人塋八年四
月辛丑從其父塋南河府洛陽縣平樂鄉張君材君
曾祖諱津祖諱守慶坊州司馬贈尚書左丞父諱偕
翰林侍讀學士以尚書工部侍郎致仕特贈尚書兵
部侍郎娶丁氏清河縣君尚書右丞度之女男二人
景略守太常寺太祝好書學能自立景彥早卒君有
文集十卷又別為春秋正論十卷微言十卷通例二十
十卷銘曰

芒乎其孰始以有厥美昧乎其孰止以終於此納銘
幽宮以慰其子

鄧度推官陳君墓誌銘

人之所難得乎天理聰明辨智敏給之材既得之矣
能學問修為以自稱而不弊於無窮之欲此亦天之
所難得乎人者也天能以人之所難得者與人人欲
以天之所難得者徇天而天不少假以年則其得有
不假乎修為其為有不至乎成就此孔子所以歎天
未見其止而惜之者也陳君諱之元字某年二十七
為武昌軍節度使推官以卒自其兒童強記捷見能

唐益公文集 卷之三十一
不勞而超其長者少長慨然慕古人所為而又能學其文章既以進士起家則喜也無享於轉賦矣以吾日力盡之於所好其庶乎吾可以成材於是悉橐其家書之官而蚤夜讀以思思而不得則又從其朋友講解至於達而後已其材與志如此使天少假以年則其成就當如何哉然無幾何得疾病遂至於不起嗟乎此亦所謂未見其止而可惜者也君某州之某縣人曾祖曰某祖曰某考曰某以嘉祐某年某月某甲子其兄之方為之上某州某縣某所之原以塋而臨川王某為銘曰

浮揚清明升氣之鄉沈翳濁墨降形之宅其升遠矣其孰能追其降在此有銘昭之

尚書司封員外郎張君墓誌銘

君姓張氏諱彥博字文叔其先家齊州之禹城曾祖諱玘贈太子洗馬祖諱制又徙其家於蔡州贈尚書吏部侍郎父諱保雍仕至尚書刑部郎中兩浙轉運使君以廕為太廟齋郎調武昌縣尉能禁抑淫祠使盡去境內再調撫州司法嘗攝令臨川始取强悍者一人痛治以威而皆喜以畏却使者不急之須而使者不敢怒徙亳州鄆縣令用薦者監蘄州石橋茶場

唐文公集 卷二十一
鎖廳應進士舉中其科尋丁母憂服除調興化軍興
化縣令僧有連結為姦黨者久至三十餘年君悉捕
以置於法而廢其寺古田縣有劇賊卽遁去復調黃
州黃陂縣令稍築堤防以利農告使者更鹽利之法
自是役賴以均改袁州軍事判官以治平四年十月
六日卒于官享年四十九君少力學問尤知史書不
憚折節以交賢士大夫而喜趨人之急教兄之孤子
至於登第撫三女悉得所歸而其仕也所為又能不
苟故前後多薦者初娶劉氏又娶方氏子二人曰仲
偉曰次賢君昔去石橋遂留居於蘄故其塋也從劉
氏於蘄之安仁鄉芙蓉山蓋熙寧二年十月六日也
君於文章尤喜作歌詞有集四十卷藏於家銘曰
恭惠敏朋交悅以稱不遂其成恢曠坦易或投以累
終以困躓惟人載德宜福多錫得壽亦畜曷告其悲
銘續風詩萬世之貽

尚書屯田員外郎仲君墓誌銘

君仲氏諱訥字樸翁廣濟軍定陶人曾祖諱環祖諱
祚皆弗仕而至君父諱尹始仕至曹州觀察支使贈
右贊善大夫君景祐元年進士起家莫州防禦推官
年少初官然上下無敢易者時傳契丹且大擾邊朝

廷使中貴人來問知州張崇俊未知所對公策契丹無他為具奏論之崇俊喜曰朝廷必知所對能為此然亦當善我能聽用君也又權博州防禦判官以母夫人喪去去三年復權明州節度推官縣送海賊數十人獄具矣君獨疑而辨之數十人者皆得雪用舉者改大理寺丞知大名府清平邛州臨溪兩縣又通判解州於是三遷為尚書屯田員外郎而以皇祐五年十二月二十一日卒年五十五君厚重有大志不妄言笑喜讀書為古文章晚而尤好為詩詩尤稱於世所在有聲績然直道自信於權貴人不肯有所屈故好者少然亦多知其非常人也其在越蜀士多從之學當寶元康定間言者喜論兵其計不過攻守而已君獨推書所謂食哉唯時柔遠能邁惇德允元而難任人蠻夷率服為禦戎議二篇嗟乎此流俗所羞以為迂而弗言者也非明於先王之義則孰知夫中國安富尊強之為必出於此君知此矣則其自信不屈宜以有所負而然惜乎其未試也君初娶王氏尚書駕部郎中蘭之女又娶李氏尚書虞部員外郎宋卿之女三男子伯達為大常博士次伯适伯同為進士三女子嫁殿中丞任廬并州交城縣尉崔絳興元府

戶曹參軍任膺博士以熙寧元年十一月二十一日
莖君於定陶之閔丘鄉而以余之聞君也來求銘銘
曰

於戲撲翁天偶人觴翔其德音而躋於時

周益公文集第三十二

平園續藁七十二

宋廬陵周益公必大著

墓誌銘二

廣南提舉市舶江文

文叔

墓誌銘

慶元二年

紹熙甲寅五月戊辰前提舉廣南路市舶江君文叔
卒於家次年正月壬寅歸窆其子實等以尚書郎黃
君所狀行實來請銘昔君從父尉贛之寧都與予兄
弟傾蓋如故自是孰君文行閱四十年情誼日親而
君介弟立叔再婿予家銘君宜也君初諱澄字清卿
後改今名上世洛陽人十一代祖承清為福州福清

令因家候官縣曾祖閔祖先俱不仕父詢直與叔父
達同貢京師達登宣和六年進士第詢直特奏名入
官終脩職卽南安軍南康縣丞累贈奉直大夫母恭
人葉氏紹興甲子兼科取士君年十七以春秋舉於
鄉其後連薦丁丑春遂中甲科補左廸功以父丞南
康調南雄州州學教授丁內外難徒步護柩二千里
人人稱其孝服闋為靜江府教授大新學舍增市田
五百畝生徒雲集師張孝祥雅重君去鎮日餞客滿
座酒闌索贈言相規君曰舍人文章政事獨步一世
加以持重則大用矣僚友愕然張不懌而起明日召
君握子曰始聞君言實不能堪久之方悟平生失處
正坐是耳因共載累日畝詩為別用舉主陸左從事
卽移鬱林州教授鄰境兵將忿爭走訴外臺提兵假
道縱部曲掠奪州人犇避暑諭以禍福迄不敢肆群
有冤獄理掾不肯言君白其冤部刺史二千石京削
交上改宣教卽復克沅州州學教授秩滿通判建寧
府監淳熙十年解試刻革宿弊迄今以為法屬邑運
益取羸佐州用舊政吝本錢不予郡邑交病君多為
之於是兩濟太守鄭尚書丙政尚嚴君替以寬纒八
閱月避親易通判泉州兼南外宗正丞賜緋衣銀魚

前守移疾政多底滯君揖事決遣如流闔郡翕然大
商王元懋因抽解例輸白金君峻却之今資政殿大
學士黃公洽於鄉人不輕許可時為叅知政事數誦
言君之矣十三年擢使南海越明年視事舊例船舶
溺風濤者抑子孫續其業人以為苦郡首列於廟詔
刊其籍舶貨亦通課以最聞在官三歲未嘗私市一
物被疾求主管建寧府武夷山冲佑觀積官朝奉大
夫享年六十有七其塋在本縣白沙之前坡原妻宜
人黃氏同郡保義郎鑄之女二子公實迪功郎南安
軍司戶叅軍公宜將仕郎皆嘗試禮部願烙有風三
女長適進士陳公球次適承直郎監建寧府合同茶
場陳斌季未行孫男四人昌孫子孫廣孫繼孫女三
人君清明溫粹濟以諒直少從鄉先生問學傑然出
於衆既仕益自刻勵聲譽昭晰平居未嘗失色於人
臨事則志不可奪每誦馬少游鄉里目為善人之吉
終身行之故其莅官居家咎無玷缺友愛立叔琢磨
甚至亦登甲科前君四年卒銘曰

瑟彼璠璣 琢為圭璋 不薦清廟

欽其光輝 黃懷攸伏 更千百年

尚潤山木

譚宣義 字先 墓誌銘 慶元二年

廬陵郡統縣八永新為大西界湖湘壤沃地偏民生
自足間遇水旱疾疫凡邑之大家分任振恤之事某
家發廩某家給薪芻某家藥病者某家痊死者以是
流殍稀鮮縣官推勸公賞必首及之君子喜其近古
惟譚氏儒術起家好善樂施至宣義君復合前四美
終身行之故人以為難去年春得疾卒其家丐行狀
於煥章閣待制誠齋楊公而謁予以明昔我先太師
秦國公暨我伯父金紫光祿大夫與君伯父朝奉郎
贈中大夫諱觀光同登政和八年進士第世契之故
義不得辭然誠齋之文美矣盡矣不可以有加矣故
第其家世始卒如左君諱孚先字信仲世居永新曾
祖諱華不仕妣太儒人沒氏祖諱傑累舉入官終承
事即賜緋魚袋贈朝奉即妣安人龍氏尹氏其長子
中大夫也次子諱觀光復寔君之父妣尹氏君孝以事
親仁於恤下勤於學而勇於義尤切切教子曰煥曰
潤繼賓於 王淳熙癸卯年該 長樂慶壽恩封承
務即自是十年間歷值 三朝大慶四遷為宣義即
賜服朱銀築榮壽堂日與親賓燕樂侈 上之賜士
大夫爭詠歌之其卒實慶元改元三月壬子也享年

八十八娶林氏成忠即高之女封安人賜冠帔五子
煥今為從事即襄陽府司法叅軍潤潭溥源並力學
四女王揚烈張澄顏世忠張湘壻也孫男三人康叔
同叔正叔女四人同叔名在南宮不幸早世煥等卜
以二年十一月丙申葬君縣之思賢鄉廬峯之原銘
曰

起家固難 保之尤難 積善有慶

其居也安 不虧於功 不替於義

以昭令名 亦詔來裔

彭元享墓誌銘 慶元二年

慶元改元正月辛亥安福彭君以疾不起卜明年十
二月庚申葬縣南十里某鄉某原前兩月其子經襄
經踵門出左司員外郎李君兼書一通及大學博士
湯君壽所狀行實以銘為煥左司之言曰淳熙乙巳
某尉安福聞彭君樂易信於鄉里會歲大侵郡督勸
分君產中下首發廩為倡乃克有濟某以是嘉其人
授以著作呂君祖謙辨志一編蓋自洒掃應對推以
應物細行之矜達於全德凡前言往行次第畢載彭
君受而服膺焉傳之副墨又求名儒達官敷繹之蚤
夜力行不敢待怠向善如力耕避惡如遠臭嗇於自

奉豐於周急年六十三以沒其身動無過舉願有以表其窳予推左司介而譏博士賢而文皆可取信宜為之銘君諱元亨字文昌其先自九江徙居吉州之安福縣曾祖朝祖承裕父知微勤儉好施邑人以長者稱之君世其業性尤孝謹父病篤禱於神乞損已壽以益親父尋愈事娉姑如事母家庭煦然待制楊公萬里榜其書樓曰春風興以新詩工部謝尚書諤亦賦焉平生著述盈篋今棠次藏於家娶同郡歐陽氏前三年沒子男四人繼顯綱繼女三人鄉貢進士歐陽成務劉淙歐陽好仁某壻也孫男七人龜年者年保年康年益年彌年壽年孫女七人嗟乎秉彝好德誰無是心推能欣慕師之有淵原推廣其所未至斯足為一鄉之善士矣君之可銘不在茲乎銘曰

噫彭君 信所聞 善可為 老則勤

生無玷 沒有名 永其傳 在斯文

朝請即曾君先祖墓誌銘 慶元三年

君姓曾氏諱光祖字景山一字承先五世祖宗自南豐徙居吉州安福縣曾祖弼祖序昌皆積善父嘉謨博洽強記仕至從事即衡州常寧尉累贈朝請即君其長子也穎悟力學四舉禮部淳熙乙未歲登第以

迪功郎主潭州善化簿未上丁父憂再主道州江華簿見謂通敏揖永明令用舉者陸從政郎移徽州錄事參軍決讞清明寃伸誣伏郡守薦於朝監司亦薦之由承直郎改奉議郎堂選知臨江軍新喻縣縣當孔道前令往往罪去君政事日脩新庠序以勸士築陂塘以邵農民訟至庭曉以義理凡無賴屠沽鬪毆則以法繩之百里大治紹熙末採時事為十箴名之曰狗路別為序篇數百言詞甚剴切獻之執政期有捕於國家要路多知己欲扳之朝君志在便親調通判袁州重赴而卒慶元三年正月六日也享年六十有四積官朝請郎賜緋魚袋先娶同邑王公衡之女贈安人再娶從事郎韶州樂品令胡日新女封安人一男鄉貢進士傑二女長適進士王閱早世次適迪功郎新隆興府新建縣尉趙師德孫男三人士遜士士遵士逾二女六人長適劉鑑餘未行曾孫宜壽卜以十一月辛酉葬縣南永嘉鄉九岡之原君孝於事親仁於念舊揚人之善掩其過失為使所至有能名平居喜著述有禮記精義十五卷治功必致錄十五卷江湖詩集十五卷南溪舊橐二十卷長孫遜以君與予厚踵門求銘於是君母君大恭人李氏年八十

五矣自君升朝繼逢慶典冠帔絲綸寵章交煥歲時
二子牽諸婦奉觴上壽孫曾滿前坐閱五世而君之
子傑名在貢籍儒風濟濟金相國京公大書壽衍衍
字之揭所居之堂名士咸為賦詩鄉人榮之慕之居
無何僕死君戚戚乘以微恙自力娛嬉親傍比其
將沒母子相持泣下鄉人復聞而悲之夫憂喜聚門
物理果然幸君世祿延於士遜它日昆弟能自植立
不隕先業振其家聲以慰曾祖母之心以成父祖之
志是又鄉人之望也歟銘曰

嗟乎景山 名官方興 匪朝之儀

惟親是寧 耄期在堂 五世其盛

胡嗇君壽 以悲易慶 有崇彼岡

宅兆中存 既固且安 利其曾孫

叅議董君

昌裔

墓誌銘

慶元五年

君姓董氏諱昌裔字夢貺廬陵郡着姓儒風郁然登
科者相繼 仁宗景祐元年放進士五百人郡之中
選者十有一而董氏曰洙與其子師德弟汀姪師道
儀一門五人在焉洙父子成同丙科大守江鈞奏所
居為五桂鄉邦人榮之儀仕至都堂郎中掌歷部使
者贈左正議大夫即君曾祖也祖乾粹又登嘉祐八

年進士弟仕至左朝奉大夫贈中奉大夫父彭右朝
散即知鬱林州贈通議大夫君自少力學試郡庠率
占上游宣和四年父告老補將仕郎靖康間丁外艱
服闋以廸功郎尉台之臨海母憂免再調柳州司戶
叅軍揖永興令蠻僮犯省地君發丁壯授方畧扞禦
境上民以奠枕移連州錄事叅軍二千石苛急恚君
守法屢寤以交薦改宣教郎為臨安府錢塘丞適闕
命君行其事赤縣繁劇不勞而變顯謨閣直學士劉
公才郡薦君宜在臺閣添差通判婺州會省員罷入
攝行都酒官連被最出賞為湖南轉運使主簿文字
李金作亂王師四集糧餉不乏幕畫為多故叅知政
事魏公良臣師長沙以名聞隆興元年擢知隆國軍
宗室犯法君繩治不少恕調辭詆誣有 詔禁錮良
善安焉地界江湖田疇下下非澇即旱君祈禱立應
天修學校增給生徒時號循吏以年高丐閑得浙東
安撫司叅議官秩滿求便鄉改江西以歸積官朝奉
大夫賜服金紫宜妻人林氏吏部侍郎保之女治家
有法內外肅然年六十八淳熙丁酉十二月乙酉卒
後三年歲在庚子正月甲戌君亦卒於家享年七十
八合葬州西萬松江一子文林即新監行在車輅院

周益公集 卷之二十一 九
冲元五女長適廸功卽宜州宜山縣尉高栖筠次適
朝議大夫江淮荆浙閩廣等路都大提點坑冶鑄錢
林祖洽次適從政卽全州司法叅軍方珪次適朝奉
卽潭州郭贊次適朝散卽通判衡州斛喜孫男將仕
卽塾女一人自君之沒其仲女適林氏者自奉君姑
從夫宦游深念父母之葬有關又推泉水之義重於
歸寧教諭其弟謀改卜不事薰澤不御酒肉飯蔬飲
水越二十年始亡終制適提點君按行所部遂得楷
來畢精竭力遷奉雙柩葬撫州樂安縣雲蓋鄉西務
之原實慶元五年九月壬寅也雲蓋初屬吉水縣至
和元年拆隸永豐紹興二十一年復割五鄉置樂安
而雲蓋在中至是始附董氏先隴以成親志義實幽
顯聞者歎息或至泣下昔唐傳列女首以孝為言而
所記節義率繫其夫若孝為親者僅得二李氏其一
父殯於堂十一年朝夕哀臨不嫁以養母母死身亡
葬具其一劫徙他州聞父亡間道奔喪至則已葬力
請開墓舌去棺塵其母病篤終日不視已著朝加旌
表史以稱美由今觀之既日內夫嫁外父母家矣而
苦節不匱兩致其意則視昔為尤難亦賢矣哉夫惟
有女如此父母之賢抑可知已况君中坦外莊訥於

言而敏於行居家有譽無疵涖官奉公履正鄉人知之予亦深知之冲元及提點君以銘見屬乃為銘曰
君稱善人 仕則循史 學鑽先業

祿延後嗣 生也能然 庶幾無隗

有女而孝 言歸故鄉 宅兆既安

子孫其昌 沒也雖久 庶幾不亡

高州趙史君介 墓誌銘 慶元五年

慶元四年六月乙酉高涼趙史君卒官其子寔護柩數千里還吉州之舊居卜以五年十一月丁酉葬廬陵縣儒人鄉三合平之源泣叙治命謂銘於予予不忍辭君諱介字節夫鳳翔府寶雞縣西平原人曾祖義作坊史贈左千牛衛大將軍祖華武略大夫贈成州團練使父持武經大夫知衡州贈武功大夫君儻岸磊落通經史有智畧初為武學外舍生其父坐法免官君忘寒暑其點憲伏闕叫閣投牒臺省移書要路力訴寃狀如是累年卒洗丹書終二千石士論多之紹興三十二年用父蔭補承信郎程試絕倫調鼎州桃源縣巡檢終更尉贛之寧都未上召試閣門舍人淳熙二年也初 孝宗置此官視文臣館職對策舍人院而後除日朝殿階察臣僚不如義者大宴則與

閣門使已下更互立御前罪為清功滿四考即與郡而君在選中虜使來賀正旦假輿車充館伴副使六年以例出知道州改柳州頃之法郡 孝宗詔以舊物起居後省格不下奉詞十五年歷主管亳州明道宮台州崇道觀日與賓客賦詩飲酒弈碁博古通今議論纚纚凡釋老諸書下至捍官小說無不成誦聽者忘倦郡守每以上客禮之甲辰夏守與戒鈐不咸軍政頗隙一日其徒乘醉贅衆相歐而已曹逃驚擾市人君與予兄子中杖策造營開諭禍福皆帖已聽命諸司以聞將議賞或沮之而止起知高州至則次子亡從者亦病瘁君哭泣憂傷視事兩月而沒享年七十有四積官武經郎先娶潘氏朝奉郎通判道州森之女再娶朱氏朝請郎知新州瑀之女俱封安人三男長即寔也今為忠翊郎掌任袁萍鄉縣稅官次宋乃前死者曰容亦死二女適高子詵皆將士郎孫珙珣珙當以君致仕息入官貞女尚幼君蚤自植立既直父寃即經理家事不以累親心擇命士嫁二妹又恤其後諸姪皆宦俱賴之有詩文十卷藏於家銘曰

赤也可與客言 由也使治千乘

羌小試其才能 謬交違於立命

朝方還而蹟收 符丹剖而身病

尚脩銘之永垂 寧宿草之俱盡

通判彭君

商老墓誌銘 慶元五年

故尚書郎彭公以厚德通才歷郡守部使者總令湖廣江西京西財賦凡其所至專以愛人利物為心號稱名臣諸子習熟義方聲聞交著仲諱商老字仲伊生於丁未卒於己未葬有日其季轉運君漢老以朝散郎新通判永州張煥卿狀來請銘意予既冠獲升總領之堂仲伊少予一歲相善也越五年情誼加厚

宛其死矣尚忍銘之按彭氏世為吉州廬陵人曾祖諱士忠贈朝請郎妣安人肖氏祖諱衍進士起家終朝奉郎開封府錄贈正議大夫妣碩人肖氏總領諱合仕雖寢顯而官止朝大夫謂不極於用累贈持進妣永寧郡夫人劉氏同安郡夫人李氏新定郡夫人曾氏武陵郡夫人黃氏新定出也莊敬自重質直好義力學喜為文熟毛氏詩漢書文選紹興己巳郊人蔭將仕郎重去親側兩以廸功郎監潭州南嶽廟外艱既除乾道丙戌始為撫州崇仁縣主簿異時文書吏家婆為姦利君拘之聽事勾稽惟謹賦稅始正

去為南雄州司理叅軍有江澈者掠賣歐陽若弼五
歲子及其所生事發不承拆米庫巡防卒以他事遁
典吏乘勢盜用錢數百緡逮治無辜李唐卿失白金
或於左道歸罪其子三事歲積獄不決君立正之上
官交薦淳熙已亥改宣教即知辰州沅陵縣始至帑
庾赤立常賦或隱或逃催科無所措君推見弊原訓
戒丁寧民信服藥輸糧留縣周舉以送州又藏餘力
於民先是城寨有名無兵蠻獠數犯省他人被殺傷
例償骨價錢君招補闕額時其衣糧勉以武藝邊境
遂安調湖廣等路總賦所幹辦公事分治九江紹熙
甲寅通判南安軍奉法循理無務其職郡縣吏有罪
監司委君究切一裁以正強有力者不悅嗾妄人誣
訴云云君弗恤也請更終主管台州崇道觀內外臺
猶入前謾嘗下其事考實君素守家法臨政平允持
已廉情迄無毫髮可文致者平生恬於進取官滿輒
請銓部注擬年老賜服緋魚積階朝奉大夫再奉忠
祠終焉以時疾或授導弘法晝夜行之朱顏綠鬢老
而不衰故其逝也以微恙實慶元年年九月癸巳空
用十二月庚午地在縣郭游塘之原娶臨江軍四簇
何氏封宜人子克仁將仕郎孫男女各一人銘曰

處躬德義承其家 服未郡邑振厥華

溫溫佩玉音不瑕 皎皎絲繩直無邪

安於六品求弗奢 雖未百年壽亦遐

善始令終衆所嘉 展如之人尚何嗟

邵陽郡丞周府君 目墓誌銘

高宗皇帝紹興二十一年放進士八榜矣里中同升
四人曰孟覺彥瞻辰告及予也彥瞻許氏諱世將老
於學辰告劉氏諱令猷敏於文予茲碌碌綴其間惟
孟覺行高一鄉書無不通於文無不能喜惟五能自
期頗遠既唱第集英殿果裒然在前列人僉謂他日
模翔要路無疑君亦日夜刻勵將有為於斯世而僅
佐遠州又不及上士大夫咸惜其天爵孔修而歎人
爵之不從也况予同宗同郡同年之情尤嗟惜之其
子以工部尚書謝公諤所狀行實未請銘今既二十
年彥瞻辰告前卒君宅兆亦改卜乃克為之重可嗟
已孟覺諱因姓周氏吉州安福縣翔鸞鄉應福里人
絲出吳將軍踰八世祖廣八居石門之田西曾祖文
奇祖仲海父大本以儒起家贈奉議郎妣安人羅氏
君自幼志趣異群兒八歲出語驚人母傾篋笥質經
史資其學未冠率四弟肄業從皆有立初以左廸功

即主臨安府監官縣薄戶部侍泳恃強傲而吏才實
過人兼行府事僚屬無可意日彼摧辱檄君領軍資
庫君悉心營職泳喜待遇獨厚二十四年勅差省試
別院點檢試卷官秋滿用舉者陞用正即調南雄州
教授外艱不赴服闋授象州來賓縣令南荒百家之
聚絃誦闐寂君擇地遷廟學請於州撥公田養士躬
自教導有梁端者遂與計偕俗病不僚惟屠牛祭鬼
君力禁止為市藥桂林教以湯劑境內多盜嚴保五
閩文林即會詔監司郡守舉屬吏象守唐後又以鄉
丁盜以不作閭閻常空 孝宗單恩循君政續聞去
為德安府教授 朝國宋元憲景文公兄弟鄭毅父
內翰皆邦人以文章魁多士自宣和後莽後為盜毆
庠序廢壞君至日葺治增弟子員講授公嗟士氣復
振乙酉秋試損薦者四皆學職也君送以詩云一網
都收泮水英其後李松齡遂摺弟甲子之天荒君之
力也古郡多人物事跡而欽圓志君為鄖城叢紀深
得史氏之體改宣教即知婺州永康縣轉奉議即未
至丁母憂免喪知贛州雩都縣遷承議即地廣訟繁
君躬自省決咸得其情郡遣公早有所需君不應守
怒諷部使者易它官据撫公私一無可槩守悟趣還

任淳熙二年茶寇有薄境者君部弓兵合巡尉却之
守益愧服更加延譽通判邵州轉朝奉即七年八月
癸卯以疾卒於家享年六十一邵端實而通明喜論
天下事著述規右作耻於蹈寵下筆滾滾不休雖盡
續亦粲然成文鄉之先進權吏部尚書劉公才邵直
敷文閣王公庭珪皆推許之名在甲科未嘗自媒每
詣漕視河入闕即注以歸淹留遠宦怡然自得奉身
清儉光疇推與諸弟衣食僅給而周急無靳持論常
鯁挺至接物則謙和樂道人之善而覆其所短平生
無纖毫過失公論有不可掩者先廬之南有鑑泉澄
澈可愛面對鍾嶺環以清溪君卜居其中闢納齋以
燕息間嘗聞予仕患倘不遇當老於此極山林之樂
而孰謂君宦既不達志復不遂也娶鄉里李氏劉氏
俱封安人五男長稷今為儒林郎新廣南西路經畧
安撫司幹辦公事次秬登仕郎次穉結穡結早夭秬
穉亡矣稷與穡俱回學世其家一女適進士劉揖孫
男五人壽仁壽祖壽夢壽椿一未名孫女三人長適
進士曾宏敷次適鄉貢進士劉夢騏一尚幼有文集
二十卷初葬邑之永喜鄉東富嶺慶元三年八月二
十伍日改葬新喻縣仁李鄉城岡之原銘曰

嗟乎孟覺天之生君謂無意耶賦之以異才而發之以巍科謂有意耶何名位之不高而壽祉之不遐發蒼蒼兮難問徒耿耿其長嗟若夫行誼修而表於鄉學術傳而昌其家雖千百年猶未泯竟孰為少孰為多耶

葛先生濼墓誌銘

古者實賓興之士論定於鄉是以上不失人下無遺材後世升黜一以程文賢能不皆進愚不肖未必退往往出於偶然曰此公舉也而鄉評不在焉若乃德行道藝修之身信於人雖曰未遇而無智愚小大生則推尊之沒則追思之是謂鄉評殆舉相為權衡然被猶可幸得而此不容力致輕重斷可識矣吉為士之鄧林鄉評所推今有人焉葛先生是也先生諱濼字德源絲出常州祥符間名宦者始登科自是世策高第或至侍從輔相惟先生高祖詠徙家廬陵曾祖日宣祖敏求考經俱有文行叔祖遵岷先生敏修擢元祐三年甲科受知蘇文忠公黃太史坐上書入黨藉學者宗之先生四歲而孤又七年母亡依仲父唐州錄叅緯苦學亡寢食手抄書鉅萬無一字行草貫通經子歷代史書端醇雅士大夫子弟爭願從之胡

忠簡公及其郡從號儒先甲族競以書弊延致亦嘗
不鄙過予家塾晚即所居講授八邑暨傍郡秀氏著
錄盈門先生廸以行誼非但章誦句解而已後多登
第游官薦春官者不論也初錄叅老而貧同產滋流
落湖湘姊娶居先生並迎歸奉養整束修畢其婚嫁
常產闕如也遵岷既無子錄叅為之斷先生亦謂叅
鞠育不可忘身主其祭孝友類此郡博士稔賢名請
為直學廷學錄慶元六年四月甲午以疾不起博士
率諸生奠哭盡哀鄉人皆來弔曰鄉先生亡矣享年
七十有五以十二月甲申葬郡西清塘之原娶同郡
曾氏生三男長琳早世次玆季環博父業玆再預賓
貢四女長適貢士曾友節仲適吳簡卿叔王及及天
改適尹先生達前先生十二日而亡季適田逢原孫
四人一男犯三女俱幼所著書有草茅卑論三卷壽
齋筆語四十卷先生存心恕而勇於義嘗集本朝死
王事者著旌忠錄三卷名士多為序跋常州族立象
大司成次仲之子乾道中來守廬陵於先生為從兄
先生旅謁即退立象代還執手歎其安恬予自上印
緩與先生及歐陽伯威歲講同甲之會月為真率之
集先生文華有餘凡予小圃草木猿鶴悉為賦詩語

新而事的卷軸盈篋今失良朋能無永歎玠守等乞
銘其忍弗從銘曰

脩其天爵 席以儒珍 昔聞其語

今覲其人 士無賢語 曰鄉先生

盍祭於社 永光榆枌

周益公文集第三十三

平園續七十三

宋廬陵周益公必大著

墓誌銘三

永州張史君

奠

墓誌銘

慶元六年

張氏世為亳州譙縣人史君諱奭字叔保曾祖言勅
授本州助教祖宰贈右中散大夫父允蹈朝請大夫
直秘閣贈通奉大夫君天資警敏少年已如老成人
事無大小處之悉有條理祕閣屢欲還正官之君力
學好脩必進欲以科第年四十四始從門蔭為廸功
郎乾道六年也調賀州臨賀縣主簿旋丁父憂淳熙

改元監隆興府豐城縣戶部贍軍酒庫秩滿移衡州
來陽丞用舉主改宣教郎知遠州萍鄉縣年轉通直
奉議郎十六年覃思遷承議郎賜服緋銀通判隆興
府轉朝奉散郎紹熙五年 上即位遷朝請郎知永
州轉朝大夫慶元四年至郡六年疠引疾主管台州
崇道觀命未至而卒九月五日也享年七十四妻宜
人王氏樞密副使敏節公庶之孫知開州之道之女
前九年卒是生五男履迪功郎新辰州叙浦縣主簿
賁當受致仕思隨臨觀舉進士孫男七人長孫仲孫
季孫衛孫晉孫同孫永孫女六人諸子卜以是年十
二月丙午葬吉州廬陵縣高澤鄉新莊之原宜人墓
之左既求行狀於待制楊公又以銘見屬曰此先君
治命也予不敢辭亦不敢欺君初為酒正適繼敗闕
歲課驟登府高其能檄行獄掾改分寧宰縣經兵火
飯籍不正冒耕無善產去零取君括而正之府下其
法於旁邑公私交利武寧民妄訴邑長文罔三十事
君究切直之罔來餉謝君怒與之絕為丞時選揖衡
掾提刑馬大同嚴而察典獄少可其意有舉子術士
被誣殺人而君皆辨其非辜大同怒甚君不為屈俄
伴獲正犯者大同與他司交薦改秩仍減磨勘四年

唐益公文集 平陽縣志卷之三十三 三十一
萍鄉大邑豪右持吏短長知君強明帖帖畏昨乃以
餘力憎飾學校周給落南仕族以喪者戶婚滯訟累
政不能決立為拆衷皆心服而去隆興會府司多名
凡文書視君簽擬即行其得二千石用列薦也永本
名郡比歲空乏因之蝗旱君劬躬苦節勸分告糴振
飢民以萬計常平使者疑不失單車按臨反加款服
率漕臣論奏明年歲稔官府君還舊觀而君病矣士
民日夜禱祈聞訃往往出涕去萍鄉已星終柩過迎
送不絕為守令得人心如此予既叙次其閱閱復以
目擊耳聞者付之當紹興庚午與郡同試秋闈見其
記問文采俱過人遂與計皆以是知君之學學祕閣
素高誼初寓廬陵食猶未足已能收恤宗族絕其分
以君與兄巽同心協力助成父志君尤服其勞巽字
伯制生以壬寅早為名士朱希真所稱二惠方競爽
庚寅秋兄終於廣西常司幹官君獨任家事祕閣喜
賓客樂宴遊乃葺園林治食飲客至必請缺留凡可
娛親不憚勞費祕閣既沒君於親姻益為區處使有
產與人交事賢友仁恭敬周旋得其懽心以是知君
之行祕閣守興化也歲嘗大歉荒政畢修境無流徙
城中比屋儒仕臣室以葉丞相顥陳正猷公俊鄉龔

唐文苑英華卷三十三
卷之三十三
參政茂良先已貴重艾軒林光朝號鄉先生著作劉
夙弟朔皆殊科有盛名為一國之所慕祕閣政事必
咨利害必謀諸公樂告以善治譽轉聞奎書召還雖
辭疾猶貼職知常德府咸謂過庭密贊為多予於是
又知君之才惜乎從仕已晚年除歲遷抱能未施識
與不識莫不歎息於斯為銘曰

養志事親 服勞從兄 孰能居家

孝悌兼申 寬則民慢 猛則民畏

孰能涖官 豈弟交濟 敬宗非難

收族其難 誰不虛拘 實遺以安

泛愛或易 親仁為貴 誰不憚煩

兩極其至 美且善并 身沒名存

有子有孫 方大其門 武銘匪公

言則非僿 高谷深陵 斯文不壞

新塗劉德萬人傑墓誌銘 嘉泰元年

乾道九年余被命起家守富沙將趨朝道過臨江新
塗有劉君德萬來訪予講資主始相見禮已出書袖
間累數百言陳古聖賢出處之誼孔子孟子於其君
大夫辭命或應或不應者假設為問以質余固甚壯
其意而愛其文辭也自是不復德萬然心獨識之不

忘今吏部侍郎程公往年使江西求門下士遂以德萬對程公於許人予不假借問以書稱德萬甚善與論經史今昔即往復不已及於鄉部公事宜柰何即不荅余於是始得其行焉今其兄德從以狀來乞銘曰噫昌遇之弟死矣弟力學事親孝於伯仲輯睦無遺言與人交用情聞鄉鄰親戚卒葬嫁娶且有缺不以貧為辭且曰吾弟生不能自振白幸及識公猶可以下腐敢請勿辭余既竊悲之又益知德萬之行與其言果不繆余於德萬未之先施也辱惠見又辱切磋告之而德萬廼年止四十嘗一上春官不弟其父兄不勝哀焉而欲託余言以見世以余所覩及程公稱道校德從所為狀其務自立亦誠有應書者然則皆宜銘遂次其世緣年月而銘之德萬世為永靜果光人其光自寺丞君告始仕曾祖安上贈武經大夫祖復武節大夫泗州兵馬鈐轄父廸從義即前辰州辰溪縣尉建炎間虜南侵泗守佐下皆遁去鈐轄斬以絢攻急城陷遂遇害縣尉走匿亂兵間訖獲遺骸負之渡江葬建康稍南徙其家塗邑生四子三曰人傑者德也娶鄒氏卒再娶王牒趙氏一子僕七歲以淳熙二年四月丙辰卒其年十有二月某日附葬予

邑城南之先塋銘曰

祖也死以徇其君父也亡以徇其親宜嗣有人而
蘊不伸嗚呼尚享閔其身

通直郎彭君

叔度墓誌銘

紹興庚午秋吉之士五十七人賓於王今五十有二
年存者纔六人某與寶文閣待制楊公萬里通直郎
彭君牧度承事郎戴君牧浦圻丞歐陽君叢起興國
丞曾君昌齡也年踰七望八人自戴而上四人納祿
居里予方謀為履道之集今年五月庚申乃聞彭君
以疾卒悼念未已而諸孤携里人曲江郡丞曾夫名
狀來請銘其何可辭君字秀量吉水縣人曾祖昇祖
并父儒林即洪觀察推官浩然贈奉議郎妣儒人劉
氏生二子俱負雋聲長牧亮字季明以丁卯魁鄉舉
癸酉再薦季量幼穎悟八歲能屬文連四季預貢聲
隱萬人上淳熙乙未特恩授廸功郎靜江府靈川尉
兼主簿府師王卿月有文武才深知君委以縣事復
揖嶽掾延譽於漕憲友薦之秩滿調融州司法叅軍
高宗慶壽恩職即用前舉主循從政郎郡守趙不迂
亦薦之轉南康軍建昌縣丞守曾集咨其請命行都
品令今上覃循恩文林郎代還不待年告老改通直

周益公集 卷之三十三 三十一
即致仕俄賜服緋銀其卒年七十四君醇實簡重待
族黨和而敬雖接童稚無倨色臨事則剛方有守每
以已所不欲勿施於人誨子孫至於温良恭敬遜常
躬行之望而知其為君子人也晚嗜書不倦臨終神
色湛然其所養可知矣娶曾氏曠氏俱贈儒人今儒
人劉氏五男良能良嗣良顯良知良友皆世其業良
嗣前一年死四女適季公裔劉興賢項九德胡壽卿
孫男十四人嵩崑峻崇岩餘未名女九人曾孫二人
有文集三十餘卷詩業意原二十卷以十二月甲申
葬於邑之永昌鄉塘原口距祭推墓五十步今年實
嘉泰元年辛酉銘曰

如玉斯温 如水斯清 燁了其文

舒舒其成

仕再轉而承年七十而羸推不極於享以貼後
之人

胡議大夫直祕閣廣西轉運判官彭府君

漢老

墓誌銘

嘉泰元年八月

故戶部郎中總領湖廣江西京西才賦彭公厚德深
仁今聞譽達於公卿信於鄉黨施及子孫多顯宦克

家遂為廬陵城族轉運府君寔戶部之季子歆望實是似無人守藩察州方嚮才於用奄其亡矣士大夫為國惜才者總總也諸孤卜以嘉泰元年十月丁酉葬本縣高澤鄉大岡之原持寶文閣待制誠齋揚公所狀行實來請銘予早升戶部之堂退從君兄弟遊久矣其可辭府君諱灑老字皓五世祖自金陵徙家吉州廬陵縣曾祖士忠贈朝請郎祖衍左朝奉郎累贈正議大夫戶部諱合終朝請大夫累贈持進批永寧郡夫人劉氏涇安郡夫人李氏新定郡夫人曾氏武陵郡夫人黃氏府君幼長於詩紹興末門蔭將仕郎起家迪功郎主簿誼州司立寨秩滿丁外艱隆興二年服除循修職郎監潭州南嶽廟調沅州司理參軍獄重囚指病如股君請紓其禁守不可君力爭竟免瘦死諸司以寬厚廉敏薦者十三人乾道七年由從政郎改宣教郎知常德府武陵縣每歲茶商四集適惡少無賴相關歐民皆驚避守欲調共捕治君請單車以禍福曉之家帖帖聽命淳熙元年轉適直郎大將邵宏淵責居據官池數十頃馬氏冒占民產君皆正之田鄰交訟諭以相友助之意悔悟無所爭右選祝氏妾官族女為分俸嫁之臺府以名聞籍記中

書去為江西提刑司幹辦公事贛水暴漲浮梁斷壞西昌民闌得其舟提刑適行州事將以盜論武吏翟崇代父不得去君並與為地來謝則拒之留承相以待從事贛率其長薦於朝 郊恩賜七品服注湖廣等路總領所幹辦公事六路網運繁夥愆期拆閱拘繫日多君郡守吝財削糜賫勢蒙挾拔相轉易按胥督昧 舟人利侵欺四弊弗問獨治所差官吏可乎時權戶部侍郎蔡公戡資正殿大學士趙公彥逾繼主餉道深然其言悉疏理之交章薦舉予政路方議進擬而在君力求奉祠十二年主管城都府玉局觀由奉議即歷轉朝諸郎 光宗登極遷奉大夫權知均州兼管內安撫陸對論三朝事補諸軍關額核寄椿金穀嚴官券增損尋皆服可州教易守倉庫一空君修政事而用足乃以餘力興崇序庠民俗死則焚尸或叢而不墓君出私財助其棺歛擇場圃為兆域滄華舊習境接金州與虜境大牙相八有寇鄰者教授山中用意巨測號寇先生動南北 朝廷常諭沿邊伺察之君動息必知卒無能為嘗請增戍兵修器械豐諸積補常平事多施行郡縣官月茶券半之守獨支緡錢君以十率上下悅服境內麥價低平從官

者例商販牟利一切禁絕治郡慈裏固團安諍見於師漕之奏年勞轉朝請大夫今上覃恩進奉直大夫慶元元年入稱 旨知常德府兼提舉本府澧辰元靖州兵馬盜賊公事

大禮封廬陵縣開國男食邑三百戶轉朝議大夫豪民劉庚被却指其悍僕啖等輩為之嶽官考掠誣伏法當誅君聚問疑焉諭令審鞫旋得正盜臺府互致月饋悉貯別帑學宮弊陋營造一新畢文簡公遠裔流落婺居二女未嫁並為嫁遣凡土木資送之費一出所貯地控五溪兵籍三千僅存十一君增至五百人 詔減磨勘二年歲儉民飢常平使者不在君徑發廩振濟或以此汲直俄轉中散大夫監司復奏治最除廣東轉運判官入境風采凜然就易西路至德慶府意若微疾亟命納祿假寐而逝實六年二月九日也享年六十有七時除直祕閣致仕贊書有曰制行無虧居官可記又曰以疾而休朕固深措嗚呼使天假之齡其進用詎止是耶君娶同郡曾氏前閩漕仔之從先孫十年卒贈令人四男堯俞早世去疾掌舉於鄉今為文林郎前監廣州市舶庫去泰廸功郎前諱江府司戶叅軍去非通仕郎三女長適通直郎

新知隆興府武寧縣歐陽娛次適故奉議即知撫州
 臨川縣劉德禮季天孫男六人舜牧舜元舜愷舜甲
 舜缺舜庸女八人長適故儒林郎鄂州教授趙師共
 餘未行君願大溫恭孝友慈愛二女弟豪君擇從仕
 知名者歸之親族婚姻鄉鄰喪葬或不時者悉力周
 給行實如此是何銘曰

安靜者山 居以特身 疏通者川

出而治民 故其恂恂 一鄉推重

而或開闢 百吏振悚 武當武陵

節振之雄 春雨秋霜 疊奏顯庸

番禺桂林 統地萬里 嶺侵海氛

庶其一洗 卿皆既躋 英蕩交馳

周牝西俱 衛墓東歸 有幽斯宮

筮協龜卜 利其嗣人 宜爾戩穀

率齋王居士 伯芻墓誌銘 嘉泰元年

嘉泰辛酉八月庚辰多聞之友王駒父久病不起卜
 地吉州廬陵縣西十里儒行鄉城上之原用十月丁
 酉掩壙其孤暨門人鄉貢進士許陵來請銘予識君
 三十年晚幸切鄰把酒論文無虛日自君卧疾每憂
 之今銘其墓能勿悲乎君諱伯芻駒父字也世居郎

邪臨沂文正公遠族曾祖炆治平四年登第兩為發
運司屬官遂家真州仕至大常寺協律郎嘗與黃大
使庭堅唱酬贈朝奉郎祖箱早世娶臨江新喻肖氏
父侃力學有氣節與鄉人吳丞相厚從吳謫涪居柳
欲奉以門客思辭不受建炎己酉侍母避地新喻徒
廬陵終焉駒父生以紹興壬子母顏氏繼母陳氏幼
記問過人既長博洽上文辭一再游場屋不利即棄
去喜藏書經諸史日夜校讐箋訓古今文集徧覽成
訟大玄潛虛傍及釋典亦皆淹貫凡前賢世絲出處
必推見本末家故貧籍售文教學養生送死他來嘗
一介取諸人性恥詭隨不妄交游郡縣官問其名侍
以上客自縣學教諭升州學錄能舉其職鄉先生楊
待制萬里目為淮海文士教官楊愿詩人也贈絕句
云忽得君詩愜人意陶家風到此惚時謝尚書謬遣
友胡人窗求琢磨指南湯舍人邦彥推其文采議論
為當世之傑劉袞州清之亦謂文字高雅使後生知
所嚮可望一奕至於道其為諸公惟重如此自號率
齋雅好著述時事可紀每加撰次其序淳熙初茶寇
起湖北擾江西有史法雜著十卷詩詞十卷五代詠
史詩二百篇雜紀一篇享年七十娶彭氏生二子長

及嚮學前卒季源世其業一女適葛環二孫象先元
齡銘曰

君之問學經史百家君之詞章夏雲秋負志氣之
軼郡胡聘獎之弗加天耶人耶吾不得而知也徒
懷舊而咨嗟

迪功郎辰州叙浦張主簿

履

墓誌銘

嘉泰二年

隆興癸未夏子解掖垣奉詞歸廬陵之永和鎮間入
城諸寓公往往忘年相禮而常德史君張公又加禮
焉家有會芳堂見遠樓勝事亭率為款留見其仲子
永州史君養志無遺接客謙敬退竊咨美常得既辛

參政龔公茂良為之銘請予書丹予於永州年相次
故尤相見其長子主簿君之事父如永州之事常德
也盡斥婦財竭歲入治園林亭謝號曰腴莊日置酒
延客娛其親永州即世君復誌歲月甫經祥祭君又
不起諸弟若子樂以友人朱岑狀來謁銘昔諱退之
謂未四十年哭北平王祖子孫三世今即相類予既
慨歎重有三恨君嗜書博記下筆過人及試有司輒
不利一也通敏之才遇事風生凡吉運米江淮剛官
敬競求客舟避官舟郡君或強以委君君心計彊明
不失命合而四家未賞祿亦弗及二也常德年八十

永州亦十七四君總五十三耳三也凡邦人均有此恨豈獨予按張氏世家毫乎社常德因官游居吉州遂為盛族君名履字坦夫贈中散大夫諱宰左朝請大夫直祕閣知常德府贈通奉大夫諱允蹈朝奉大夫知永州諱奠其世大也慶元丁巳蔭補將仕郎以迪功郎主辰州叙浦簿此即闕也嘉泰辛酉十二月己亥死之日也明年三月壬申窆之期也美化坊土塘原自卜之地也娶茶園王氏登仕郎兼國之女前沒曰長孫仲孫季孫其三子也銘曰

吁嗟乎吾坦夫才無不兼取何兼祿未及霑身寢苦如火欲炎燄先燔如車將轡旒乃瞻穴臨山崦歎良殲銘伸治滯淹尉幽潛吁嗟乎吾坦夫

承直郎高甥振藻墓誌銘 嘉泰二年

甥姓尚氏名振藻字景華相州人也曾祖朝奉郎諱棊贈大中大夫祖朝請大夫國子祭酒諱佐均通經博聞被遇 微廟為時醇儒贈中大夫考承議郎諱大伸嘗簽書威武軍節度使判官廳公事兼西外宗正簿改左武昌軍棊不群博洽有父風母孺人周氏予之女兄也甥幼警悟磊落父母鍾愛稍長知嚮才具恢闊輕財重義赴人之急甚於己私予在政府奏

以官監筠州新昌縣酒稅秩滿為蘄都大監轄蘄口
鎮倉庫兼兵兼州太公事簿征戢吏商賈四集聽從
決事舉得其平時捐奉周貧民凡舟車往來及出入
廛市者交口譽之州上於諸司詞司列薦未報嘉泰
改年五月辛酉方飯客暴得疾卒家無餘資郡僚貸
錢買棺以歛年四十八皆自廸功即以賞循至承直
郎娶劉二氏男希呂苦學早世希尹方踰志學一女
尚幼其兄宣教郎新知桂陽軍臨武縣事振英為卜
地吉州廬陵縣膏潭鄉石窟之原葬用二年六月甲
申前期以有人鄉貢進士胡渙狀來請銘銘曰

材良器攻 成此輪輿 馭之以氣

可馳可驅 未行九折 償於中塗

天實為之 已矣嗚呼

周益公文集

二國經傳三十三

五

